

Հաստատված է  
ԵՊՀ գիտական խորհրդի  
2017թ. հուլիսի 6-ի թիվ 8 նիստում

ԵՊՀ գիտական խորհրդի նախագահ,  
Ա. Հ. Սիմոնյան  
«6» հուլիսի 2017թ.

**Կ Ա Ն Ո Ն Ա Դ Ր Ո Ւ Թ Յ Ո Ւ Ն**  
**ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ՔԱՂԱՔԱՑԻԱԿԱՆ ՊԱՇՏՊԱՆՈՒԹՅԱՆ**  
**ԱՄԲԻՈՆԻ**

**I. ԸՆԴՀԱՆՈՒՐ ԴՐՈՒՅԹՆԵՐ**

1. Երևանի պետական համալսարանի քաղաքացիական պաշտպանության ամբիոնը (այսուհետ՝ ամբիոն) Երևանի պետական համալսարանի (այսուհետ՝ ԵՊՀ) կառուցվածքային ստորաբաժանում է:

2. Ամբիոնը գործում է Հայաստանի Հանրապետության օրենսդրությանը համապատասխան՝ ԵՊՀ-ի և սույն կանոնադրության հիման վրա:

3. Ամբիոնը սահմանված կարգով կարող է ունենալ դրոշմակնիք՝ (հայերեն, ռուսերեն, անգլերեն լեզուներով), պաշտոնաթուղթ (բլանկ) և անհատականացման այլ միջոցներ:

**II. ԱՄԲԻՈՆԻ ԽՆԴԻՐՆԵՐԸ**

4. Ամբիոնի խնդիրներն են.

4.1. կազմակերպել և անցկացնել «Քաղաքացիական պաշտպանություն և արտակարգ իրավիճակների հիմնահարցեր և արտակարգ իրավիճակներում բնակչության առաջին բուժօգնություն» առարկայի ուսումնական ծրագրին համապատասխան ուսումնական գործընթաց,

4.2. ուսանողների մոտ ձևավորել տարաբնույթ արտակարգ իրավիճակներում նախընտրելի վարվելակերպի դրսևորման հմտություններ և խոցող գործոններից պաշտպանվելու կարողություններ,

4.3. ուսանողներին իրազեկել արտակարգ իրավիճակներում և պատերազմի ժամանակ պետության կողմից իրականացվող բնակչության պաշտպանությանն ուղղված միջոցառումներին,

4.4. իրականացնել ուսումնական և ուսումնամեթոդական աշխատանքներ,

4.5. լուծել ԵՊՀ կանոնադրությունից և ամբիոնի հիմնական գործունեությունից բխող այլ խնդիրներ:

**III. ԱՄԲԻՈՆԻ ԿԱՌՈՒՑՎԱԾՔԸ ԵՎ ԿԱՌԱՎԱՐՈՒՄԸ**

5. Ամբիոնի աշխատանքների համակարգումն իրականացնում է ԵՊՀ ուսումնական աշխատանքների գծով պրոռեկտորը:

6. Ամբիոնի աշխատանքների ղեկավարումն իրականացնում է ամբիոնի վարիչը, ով մրցութային հիմունքներով ընտրվում է ԵՊՀ գիտական խորհրդում փակ, գաղտնի քվեարկությամբ՝ 5 տարի ժամկետով:

Ամբիոնի վարիչի ընտրության կարգն ու պայմանները սահմանվում են ԵՊՀ ամբիոնի վարիչի ընտրության ընթացակարգով:

7. Ամբիոնի վարիչը՝

7.1. կազմակերպում և վերահսկում է ամբիոնի ուսումնական, ուսումնամեթոդական և գիտահետազոտական աշխատանքները, ապահովում է ամբիոնի հիմնական գործառույթների իրականացումը և լուծում դրանից բխող հիմնախնդիրները,

7.2. ղեկավարում է ամբիոնի ուսումնաօժանդակ համակազմի աշխատանքները,

7.3. ամբիոնը ներկայացնում է ԵՊՀ-ի, համալսարանական ստորաբաժանումների, ինչպես նաև այլ կազմակերպությունների հետ հարաբերություններում,

7.4. ամենամյա հաշվետվություն է ներկայացնում ԵՊՀ գիտական խորհրդին,

7.5. սահմանված կարգով տնօրինում է ամբիոնին հատկացված ֆինանսական միջոցները,

7.6. պատասխանատվություն է կրում ամբիոնի առջև դրված խնդիրների պատշաճ և արդյունավետ լուծման համար,

7.7. լուծում է սույն կանոնադրությունից բխող և ամբիոնի գործունեության հետ կապված այլ հարցեր:

8. Ամբիոնի գիտակրթական գործունեության հետ կապված հարցերը քննարկվում են ամբիոնի նիստերում, որին մասնակցում են ամբիոնի գիտամանկավարժական համակազմի ներկայացուցիչները: Ամբիոնի այլ աշխատողներն նիստերին մասնակցում են խորհրդակցական ձայնի իրավունքով:

9. Ամբիոնի նիստերը հրավիրվում են ըստ անհրաժեշտության: Ամբիոնի նիստերի արձանագրությունները ստորագրվում են ամբիոնի վարիչի և գործավարի կողմից:

10. Ամբիոնը սահմանված չափանիշների համաձայն կազմում է հաստիքացուցակի նախագիծը և այն ներկայացնում է ԵՊՀ ռեկտորին:

11. Ամբիոնի գիտամանկավարժական կազմում ընդգրկված են պրոֆեսորները, դոցենտները, ասիստենտները, դասախոսները: Գիտամանկավարժական կազմի բոլոր թափուր պաշտոններում տեղակալումն իրականացվում է ըստ աշխատանքային պայմանագրի, որը կնքվում է մինչև 5 տարի ժամկետով: Աշխատանքային պայմանագրի կնքմանը նախորդում է բաց մրցութային ընտրությունը, որն իրականացվում է «ԵՊՀ պրոֆեսորադասախոսական համակազմի պաշտոնների տեղակալման» ընթացակարգի համաձայն:

#### **IV. ԵԶՐԱՓՈՒԿ ԴՐՈՒՅԹՆԵՐ**

12. Ամբիոնի վերակազմակերպումը կամ լուծարումն իրականացվում է ԵՊՀ-ի կանոնադրությամբ և ներքին իրավական ակտերով սահմանված կարգով:

13. Սույն կանոնադրության մեջ փոփոխություններն ու լրացումները կատարվում են ԵՊՀ-ի գիտական խորհրդի կողմից՝ ԵՊՀ-ի կանոնադրությամբ և ներքին իրավական ակտերով սահմանված կարգով: